

FESTAS DE CARNAVAL NO COLEXIO DE MALLÁN, NIGRÁN

Escrito por

Xoves, 03 Febreiro 2005 06:42

O Entroido chegou; xa está petando ás nosas portas. Case nos pilla por sorpresa. Pero, malia a precipitada chegada, aínda nos deu tempo de preparar algunhas actuacións, charangas e disfraces. Baixo a dirección de titos e profesores, o noso alumnado aguzou o seu maximo para confeccionar e adornar estes preciosos traxes de papel, no laboratorio improvisado do seu pupitre de clase. Cartolina, papel maché e reciclado, camisas, pantalóns, chaleques e blusas "reciclados" serven de base para elaborar as máscaras e os seus antefaces, cos que representan os personaxes da vida social que queren criticar, louvar ou rexeitar.

Metidos nos seus disfraces van transformar a realidade que vivimos; sen saber, quizabes, que a partir deste momento, iniciárase unha transformación do mundo que nos rodea e que, tal vez, cambiará a vida.

Os Carnavais son o momento excepcional para poñer o mundo patas arriba, inverter o orde, satirizar e ridiculizar as cousas que non os gustan e, incluso, rirnos de nosoutros mesmos; brindanos a oportunidade de caricaturizar sen faltar respecto e vómonos na obriga de aguantar as críticas sen tomar revancha.

Identificados co papel de protagonistas esenciais destas festas de Carnaval, están colaborando e recuperando dunhas festas populares de fonda raizame da Galicia profunda. Desta maneira afloran os elementos musicais, a idea do ritmo, da rima e da poesía que plastifican coa coordinación dos seus movementos.

O Carnaval, Antroido, Entroido, Antruejo son unhas festas de fonda raíces na historia de moitos pobos, cargadas de tradicións e rituais onde a liturxia e as vivencias relixiosas se mesturan con ancestrais ritos pagáns. O seu antecedente máis inmediato podería enmarcarse nas Saturnales romanas, anteriores ao Cristianismo, que se celebraban no corazón do inverno e tiñan como finalidade cantar á vida, aos praceres carnavais e a exaltar a

FESTAS DE CARNAVAL NO COLEXIO DE MALLÁN, NIGRÁN

Escrito por

Xoves, 03 Febreiro 2005 06:42

vida, incluso no medio do inverno cando a natureza parecíase durmir. Colocadas as portas da Coresma teñen un compoñente de exaltación da vida, de disfrute, de aproveitar o tempo de pracer, de vivir o día a día antes de entrar nun período de grandes privacións carnaís, corporais, disciplinais e de xaxóns.

Hoxe recordándonos, estas festas, o protagonismo que teñen as comparsas, os desfiles, os concursos de disfraces e a crítica social, etc. na recuperación do noso pasado e na transmisión do noso presente á sociedade que queremos deixar aos nosos fillos.

O Colexio de Mallán invita, ao público da nosa comunidade educativa, a participar cos vosos disfraces, nunha festa aberta, festiva e cordial que festexaremos venres, día 4 de febreiro do 2005, de acordo co seguinte programa:

As 12 da mañá, desfile de comparsas do alumnado do Colexio de Mallán e Escola Infantil de Cotros para terminar cunha xornada de festa e convivencia de profesorado, pais/nais/avós, etc. e alumnado.

De 16 a 19 haberá festa de disfraces, actuación do grupo de baile moderno do Centro, degustación de manxares típicos desta zona que aportarán os asistentes para poder en comunión con todos os comensais, etc. A Asociación de Pais/Nais, (ANPA LEMBRANZA), do Colexio agasallará ao público cun pisco labis, golosinas e bebidas "light" que farán a ledicia dos festeiros.

FESTAS DE CARNAVAL NO COLEXIO DE MALLÁN, NIGRÁN

Escrito por

Xoves, 03 Febreiro 2005 06:42

Antonio DÃ-az Lombardero